



Pinnortitaleriffik

Kommunit

Inuussutissarsiornermut, Niuernermet, Aatsitassanut, Inatsisit

Atuutsinneqernerannut Naligiissitaanermullu Naalakkersuisoqarfik

Nunalerinermut, Imminut Pilersornermut, Nukissiutinut Avatangiisinullu

Naalakkersuisoqarfik

KNAPK

Akiliisitsillutik piniartitsisartut tamarmik

Arsummi Sumiiffimmi Siunnersuisoqatigiit

Nanortalimmi Sumiiffimmi Siunnersuisoqatigiit

**Akiliisitsilluni tuttunniarnissamut umimmanniarnissamullu piffissaliussat
pisassiissutissallu pillugit aalajangiineq –
Aasaaneraniit 2024-imi Ukiunera 2027 ilanngullugu.**

Akiliisitsilluni tuttunniarnissamut umimmanniarnissamullu piffissaliussat pisassiissutissallu aalajangerneqartut piffissami aasaaneraniit 2024-imi ukiunera 2027- mi ilanngullugu atuuttussat matumuuna nalunaarutigineqarput, ilanngussat 1-5 takukkit.

Piniartitsinissamut piffissaliussat pisassiissutillu piffissami 2021-mi aasaaneraniit 2024- imi ukiunera ilanngullugu atuuttut aalajangerneqartunut aallaaviupput. Pinnortitaleriffiup martsimi 2018-mi taamatullu aamma 2024-mi Sisimiut-Kangerlussuarmi (Piniarfik 2) tuttunik umimannillu kisitsineq ingerlappaa, marts-imilu 2019-mi Akia-Maniitsumi (Piniarfik 3) aammattaarlu martsim- 2019-mi Ameralimmi (Piniarfik 4) tuttunik kisitsinerit ingerlallugit. Taakkunani kisitsinerniit Distance Sampling uumasut ungasinnerusumiittut ilanngunneqartarnissaannut periuseq atorlugu naatsorsuereernerup kingorna paasinarsivoq Piniarfik Sisimiut-Kangerlussuarmi (Piniarfik 2) suli tuttorpassuaqartoq piniarfinnilu Akia-Maniitsumi aamma Ameralimmi tuttut amerlisimasut.

Kisitsinerit takutippaataaq Aqutsiveqarfik Maniitsumi suli umimmappassuaqartoq, suiaassusaasali agguataarneri nikingaatsiarsimallutik tiggaat arnavissallu utoqqaat amerlingaatsiarsimallutik. Aqutsiveqarfik Sisimiuni umimmaat taamak amerlatiginngitsut takutippaa.

Tabili 1: Tuttunik kisitsinerit.

Tuttut	2018	2019	Minnerpaamik *	Annerpaamik **
Sisimiut - Kangerlussuaq	60.469		51.932	70.410
Akia - Maniitsoq		48.941	37.612	63.682
Ameralik		19.503	12.404	30.665

Tabili 2: Umimmanik kisitsinerit.

Umimmaat	2018	Minnerpaamik *	Annerpaamik **
Aqutsiveqarfik Maniitsoq	18.906	8.726	40.960
Aqutsiveqarfik Sisimiut	2.840	662	12.178

* aamma **: Eqimattakkaat amerlassusaat nikerarnerat pillugu naatsorsuinermi nalunartoqartapoq.

10. juuli 2024

Suliap nr. 2024-7149

All. Nr. 92986269

Postboks 269

3900 Nuuk

Oqarasuaat (+299) 34 50 00

Allak. (+299) 32 47 04

E-mail: apn@nanoq.gl

www.naalakkersuisut.gl

Inuussutissarsiut siuariartorfiusinnaasoq

Kalaallit Nunaanni tuttunik umimmannillu akiliisitsilluni piniartitsisarneq inuussutissarsiutaavoq siuariartorfiusinnaasoq. Akiliisitsilluni piniartitsinermi 2022-mi umimmaat 358-it tuttullu 134-it Kalaallit Nunaanni pisarineqarput. Tamanna 2021-imut sanilliullugu siuariartorneruvoq taamanimi nappaatip tunillaassortup Covid-19-ip nalaani umimmaat 106-iinnaat tuttullu 40-iinnaat pisarineqarsimallutik. Kisitsisit assingusut nappaatip tunillaassortup Covid-19 sioqqullugu 2019-imeersut malillugit umimmaat 257-it aamma tuttut 96-it pisarineqarput. Taamaammat annertusiartortumik sulianik ingerlatsisoqarpoq. Januarip aallaqqataa 2019 aallarnerfigalugu Kangerlussuup eqqaani siullermeersumik koncessioneqarfiliimmik ingerlatsisoqarpoq. Kisitsisit ukiut siuliineersut tabiilimi ataaniittumi takuneqarsinnaapput.

	Umimmaat	Tuttut
Ukiunera Aasaaneralu 2019	257	96
Ukiunera Aasaaneralu 2020	56	21
Ukiunera Aasaaneralu 2021	106	40
Ukiunera Aasaaneralu 2022	358	134

Kalaallit Nunaanni ukiuni 2019-mi, 2020-mi, 2021-mi kiisalu 2022-mi tammajuitsussarsiornermi pisarineqartut amerlassusaat. Aallerfik: APN 2024

Naalakkersuisoqarfik isumaqarpoq aalajaatsumik ajunngitsumillu sinaakkutissiornikkut inuussutissarsiut annertusiartuinnarumaartoq aamma Kangerlussuup avataani, tassanimi annertunerpaamik ingerlatsisoqarmat. Mittarfissuit nutaat Nuummi aamma Ilulissani piareeriarpata sunniuteqarnissaat naatsorsuutigineqarpoq. Qaanaami, Uummannami, Ilulissani, Qasigiannguani, Sisimiuni, Kangerlussuarmi, Maniitsumi, Nuummi, Paamiuni, Arsummi, Narsami aamma Qaqortumi tammajuitsussanik piniartitsinissamut akuerisaasunik aaqqissuussisoqarpoq. Nanortalimmiit marlussuit tammajuvitsussarsianik piareersaanermut pikkorissarsimapput. Ittoqqortoormiini umimmaqarfiusumi, pisassiissutit nungunneqarneq ajortut, periarfissaqarput akiliisitsilluni piniartitsisarnerup eqqunneqarnissaanut, piumasoqarpat aammalu taamaaliornissamut akuersisummit pissarsisoqarpat.

Nalunaarut atuuttoq malillugu akiliisitsilluni piniartitsisarneq Kalaallit Nunaanni najugaqvassisunit aamma Kalaallit Nunaannut akileraartartunit kisimi aaqqissunneqarsinnaavoq. Akiliillutik piniariartartut tassaagajupput sullitat europameersut amerikameersulluunniit uumasunik qaqutigoortunik nunarsuarmi sumiluunniit akiliilluni piniarneqarsinnaasunik aningaasarpassuarnik akiliillutik piniarusussinnaasartut. Piniariartut soqtiginerusarpaat tiggaat angisuut taakkulu tammajuitsutut Kalaallit Nunaaniit angerlaanneqarnissaat.

Tamanna timmisartunut bilisit tunineqartut, unnuisarnerit, tammajuitsussanik piniarnissamut aaqqissuisartut ikiortaanullu akissarsiat, Namminersorlutik Oqartussanut akitsuutit, kommuninut aamma Namminersorlutik Oqartussanut akileraarutit il. il. aqqutigalugit inuiaqatigiinnut iluaqutaasarpoq. Tiggaat angisuut neqaat inuusunnerusut neqaattulli pitsaatigineq ajorput, maleruagassallu malillugit nalinginnaasumik neqinnanniarnermi tiggaat angisuut pisarineqaqqusaanatik. Uumasut aamma alliartuinnarneq ajorput, uumasoqatigiaallu kinguariittut ingerlaannarnissaannut atorsinnaajunnaartarlutik. Taamaammat tiggaat angisuut tammajuitsussatut piniarneqartarnerat kalaallit aningaasaqarnerannut, uumasoqatigiinnut kiisalu neriniartfinnut iluaqutaapput. Tammajuitsussarsiornermi piniarnermiit neqi piniartitsisumit tiguneqartarpoq iluaqutigineqartarlunilu.

Sinaakkutissatut piumasaqaatit

Akiliisilluni piniartitsinermik aaqqissuisunut pingaaruteqarpoq sinaakkutissatut piumasaqaatit ilisimasaqarfingissallugit piniartitsinissallu piffissaqarluarluni pilersaarusrusorsinnaallugit. Piujuannartitsumik eqqarsarneq aammattaaq pingaaruteqarpoq, taamaaliornikkut ukiuni aggersuni aamma tammajuitsussanik piniagassaqarnissaa qulakkeerneqassaaq, tamannalu pingartumik koncessioneqarfilinnut pingaaruteqarpoq. Tammajuitsussanik piniartut ilarpasui piniariarnissaq ukioq ataaseq sioqqullugu pilersaarusrusuttarpaat. Tassunga ilangullugu aaqqissuisut sinaakkutissatut piumasaqaatit pitsaatillugit, pifissamullu ungassisumut pilersaarusrusorsinnaanermigut inuussutissarsiummut annerusumik aningaasaliisinnaasarnerat.

Tammajuitsussanik piniartartunut amerlanerpaanut piniartunit allanit akornusersorneqarpallaaratik piniarsinnaasarneq pingartittarpaat. Piniarnerup nalaani kisimiissinnaanerup misiginissaa pingartittartorujussuusarpaat. Taamaammat pingaaruteqarpoq piniarnerit inuussutissarsiutigalugu imaluunniit sunngiffimmi piniartunik akornusersorneqarpallaanngitsumik ingerlanneqarnissaat neqeroorutigisinnaassallugu. Piniariartarnerit amerlavallaannginneri pissutaallutik piniarfinni arlalinni piniarnissamut pifissaliussat sivisunerulaat pilersaarusrorneqarsimapput. Pifissaliussani akiliisilluni piniartitsifiusartuni ilutigalugulu inuussutissarsiutigalugu aamma sunngiffimmi piniarfiusartuni akiliisitsilluni piniartitsinermik aaqqissuuussisartup pisussaaffigivaa piniarfinnik imaluunniit ullunik piniartarnernit allanit akornusersorneqarfiunngitsunik nassaarnissaq.

Piniarfinni amerlanerpaani akiliisitsilluni piniartitsifiusartuni inuussutissarsiutigalugu sunngiffimmi piniarneq akiliisitsilluni piniartitsisarnerup nalaani ilaannakortumik ingerlanneqartartussaassaaq. Taamaallilluni akiliisitsilluni piniartitsinermik aaqqissuuussisartup inuussutissarsiutigalugu sunngiffimmi piniartarnerit qaqgukkut aallarttarnersut misissuiffigisassavai, taakkulu naapertorlugit piniartitsinissat piareersarlugit sullitat akiliillutik kissaatigisaat naapertorlugu misigisaqartinniarlugit. Inuussutissarsiutigalugu, sunngiffimmi aamma akiliilluni piniartarnerit aaqqissuuussisartut akunnerminni aamma aaqqissuuussisartut aamma inuussutissarsiutigalugu sunngiffimmi piniartut akornanni aporaaffiunngitsumik ajornartorsiorfiunngitsumillu ingerlanneqarnissaat pingaaruteqarpoq. Tamanna pillugu immikkut pingaaruteqarluinnarpoq eqqaamassallugu inuussutissarsiutigalugu sunngiffimmi piniartut inatsit atuuttoq malillugu koncessioneqarfinni aamma piniaqquaasartut, tamannalu koncessioneqarfeqartunut matumuuna eqqaasitsissutigineqarpoq.

Kangerlussuup eqqaani tammajuitsussanik piniartitsineq

Kangerlussuup eqqaani tammajuitsussanik piniartitsineq pissutsit nalinginnaatillugit annertuumik ingerlanneqartarpoq taamaammallu aasakkut, ukiakkut aamma ukiukkut ingerlanneqartarpoq.

Ukiup 2024-p aallartinnerani qulimiguulimmik kisitsinermi Maniitsup aqtsiveqarfiani suli umimmappassuaqartoq paasineqarpoq, kisianni umimmaqtigiiinni angutivissat inersimasut 34%-iusut, arnavissat inersimasut 29%-iusut kiisalu norraat taamaallaat 8%-iullutik. Tamanna tunngavigalugu 2024/25-mut tiggannik pisassiissutit suli 500-nissaat (umimmaqtigii 2,6%-ii), 2025/26-mut aamma 2026/27-mut 600-nissaat (umimmaqtigii 3,2%-ii) aalajangerneqarpoq.

Aqutsiveqarfik Maniitsoq	Aasaanera/Ukiaanera 2024 aamma Ukiunera 2025	Aasaanera/Ukiaanera 2025 aamma Ukiunera 2026	Aasaanera/Ukiaanera 2026 aamma Ukiunera 2027
Umimmattassat	Tiggaat 500-rut	Tiggaat 600-rut	Tiggaat 600-rut

Sisimiut aqutsiveqarfiani umimmaat tiggaat ukiumut pisassiissutit allannguuteqanngitsumik 150-iunissaat aalajangerneqarpoq. Piniarfik Sisimiut-Kangerlussuarmi tammajuitsussanik tuttutassat ukiumut 325-uinnarnissaat allannguuteqanngilaq.

Koncessioneqarfiiit 1. Januaarimiit 2019-mi atuutilernerat pissutigalugu tammajuitsussanik piniartitsisartut ilaat ingerlatatik nunaminertanut koncessioneqarfiiit avataanniittuni ingerlattarpaat, tamannali 2019-mi pisarineqartut amerlassusaat najoqqutaralugit ingerlatsinermut tamakkiisumik isigalugu appariaateqarnermik kinguneqarsimanngilaq.

Umimmaqarfik Ivittuut

Umimmaqarfimmi Ivittuuni tammajuitsussanik piniartitsinissamut umimmattassat ukiuni kingullerni pingasuni ukiumut 15-iupput. Umimmaqarfimmi ukiuni kingullerni ukumoortumik minnerpaaffiliinikkut kisitsinerit takutippaat angutivissat inersimasut amerliartortut. Umimmaqarfimmi minnerpaaffiliinikkut kisitsinermi kingullermi april 2024-mi umimmaat 426-it kisinneqarput, taakkunanna 123-it angutiviaallutik pingasunik ukiullit utoqqaanerusullu tassalu umimmaqatigiit 29%-ii. Tamanna tunngavigalugu ukiuni tulliuttuni marlunni ukiumut tammajuitsussatut tiggaat pisassat 30-iunissaat aalajangerneqarpoq, tassalu umimmaqatigiit 7%-ii, taassumalu kingorna Pinngortitaleriffimmiit siunnersuineq malillugu ukiumut pisassat 20-iunissaat.

Nanortallip qeqertaasaa

Umimmannik 19-inik Ivittuuneersunik Nanortallip qeqertaasaanut 2014-mi nuussisoqarpoq erseqqinnerusumik oqaatigalugu lsortumut Semilimmiiatumut. Umimmaat nuunneqareernerup kingorna Nanortallip qeqertaasaanut silavartersimapput maannakkullu umimmaqatigiit inissilluarnikuupput piaqqilluarlutilu. Umimmaat inersimasut aqqaneq-marluk piaqqallu arfinilit taamaalillutik 2017-mi Kangikitsumi Nanortallip qeqertaasaata kitaatungaaniittumi takuneqarput, umimmaat inersimasut 22-it piaqqallu qulit 2018-mi takuneqarput kiisalu umimmaat inersimasut 32-it piaqqallu 14-it 2020-mi piffimmi tassani takuneqarlutik.

Ukumi 2024-mi Pinngortitaleriffik Kommuneq Kujalleq suleqatigalugu sumiiffimmi qulimiguulimmik kisitsinermik ingerlataqarpoq, umimmaat taamaalillutik 149-rut kisinneqarlutik. Kulavaat umimmaallu inuuusuttut eqimattakkaajuupput, eqimattakkaat ataatsit Kangikitsumiippu eqimattakkaallu marluk Sermiliup qinnguanillutik. Angutivissat qeqertaasami sumiiffinni assigiinngitsuni siammassisuminnerupput maannakkullu umimmaqatigiinni 23%-iullutik, angutivissat 3-4-nik ukiullit 9%-iupput, angutivissat 4-5-nik ukiullit 8%-iupput kiisalu angutivissat 6-nik ukiullit utoqqaanerusullu 5%-iullutik. Tiggaat tammajuitsussat tassaapput angutivissat 6-nik ukiullit utoqqaanerusullu, tamannalu tunngavigalugu 2024-mi ukiumut pisassat 3-nissaat, 2025-mi 4-nissaat kiisalu 2026-mi 5-nissaat aalajangerneqarpoq.

Inatsiseqarnikkut tunngaviit

APN-ip akiliuteqarluni aallaaniarneq aalisarnerlu pillugit nalunaarut nr. 22, 19. August 2002-imeersoq nutarterlugu suliaraa. Nutarsaanermi naatsorsuutigineqassaaq akiliuteqarluni piniartitsinermik aaqqissuisutut akuersisummiq pissarsiniarnermi piumasaqaatit sukateriffingineqarnissaat, piniartitsinermilu guide-qartarnermut tunngasunik sukannernerusunik piumasaqaateqartoqalissasoq. Nalunaarummik suliaqarneq Piniarneq pillugu Inatsimmi nutaami nr. 34, 13. juuni 2023-meersumi tunngaveqarpoq.

Inussiarnersumik inuulluaqqusillunga

AC-Fuldmægtig Nuka Møller Lund
Aalisarnermut Piniarnermullu Naalakkersuisoqarfik
Tlf.: +299 34 53 45 aamma Mail: numl@nanoq.gl

Ilangussaq 1: Aasaanerani 2024-miit ukiuunerani 2027 ilangullugu tammajuitsussarsiorluni tuttunniarnissamut pisassiissutit piffissallu aalajangerneqartut_Kal.

Ilangussaq 2: Aasaanerani 2024-miit ukiuunerani 2027 ilangullugu tammajuitsussarsiorluni umimmanniarnissamut pisassiissutit piffissallu aalajangerneqartut.

Ilangussaq 3: Kalaallit Nunaata Kitaani tuttunniarnissamut Piniarfik 1-11.

Ilangussaq 4: Kalaallit Nunaanni umimmaqarfiiit.

Ilangussaq 5: Aqtsiveqarfik Maniitsumi umimmanut Piniarfik 1, 2, 3 aamma 4.

Ilangussaq 1: Tammajuitsussanik tuttutassiissutit piffissaliussallu aalajangerneqartut.

Aasaanerani 2024 - Ukiuunerani 2027.

(ungaluusami kisitsisit ukiumut pisassiivimmut Aasaanerani 2023 – Ukiuunerani 2024-mi atuupput)

Kalaallit Nunaata Kitaa A – (Piniarfik 9 aamma 10)			
Tuttoqarfik	Pisassiissutit tamakkerlugit 2023/24	Tammajuitsussanik 2024-2027-mut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Inglefield Land (Piniarfik 10)	86 + 10	10 (10)	Tammajuitsussanik piniarneq: 1/8 - 31/10 aamma 15/2 – 10/4 Inuussutissarsiutigalugu aamma sunngif-fimmi piniarneq 2023/24: 1/8 – 30/4
Olrik Fjord (Piniarfik 9) (Tuttut nuuttat)	Killeqanngillat + 15	15 (15)	Tammajuitsussanik piniarneq: 1/8 - 31/10 aamma 15/2 – 10/4 Inuussutissarsiutigalugu aamma sunngif-fimmi piniarneq 2023/24: 1/8 – 30/4
Prudhoe Land (Piniarfik 10)	86 + 10	10 (10)	Tammajuitsussanik piniarneq: 1/8 - 31/10 aamma 15/2 – 10/4 Inuussutissarsiutigalugu aamma sunngif-fimmi piniarneq 2023/24: 1/8 – 30/4
Inuussutissarsiutigalugu aamma sunngif-fimmi piniarnissamut piffissaliussat 2024-2027-imut suli aalajangersarneqanngillat 2023/24-imullu piniarnissamut piffissaliussat aalajangersarneqartuniit nikingassuteqarsinnaallutik.			

Kalaallit Nunaata Kitaa B – (Piniarfik 8)			
Tuttoqarfik	Pisassiissutit tamakkerlugit 2023/24	Tammajuitsussanik 2024-2027-mut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Nuussuaq (Piniarfik 8)	474 + 20	20 (20)	Tammajuitsussanik piniarneq: 1/8 - 31/10 aamma 15/2 – 10/4 Inuussutissarsiutigalugu piniarneq 2023/24: 1/8 – 15/10 aamma 29/1 - 18/2 Sunngiffimmi piniarneq 2023: 1/8 – 30/9
Inuussutissarsiutigalugu aamma sunngiffimmi piniarnissamut piffissaliussat 2024-2027-mut suli aalajangersarneqanngillat 2023/24-mullu piniarnissamut piffissaliussanu aalajangersarneqartuniit nikingassuteqarsinnaallutik.			

Kalaallit Nunaata Kitaa B - (Piniarfik 1-7 aamma 11)			
Tuttoqarfik	Pisassiissutit tamakkerlugit 2023/24	Tammajuitsussanik 2024-2027-mut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Naternaq (Piniarfik 1)	Killeqanngillat + 50	50 (50)	Tammajuitsussanik piniarneq: 1/8-31/10 aamma 15/2-10/4 Inuussutissarsiutigalugu piniarneq 2023: 1/8 – 15/10 Sunngiffimmi piniarneq 2023: 1/8 – 30/9
Sisimiut-Kangerlussuaq (Piniarfik 2)	Killeqanngillat + 325	325 (325)	Tammajuitsussanik piniarneq: 1/8-31/10 aamma 1/3-10/4 Inuussutissarsiutigalugu piniarneq 2023: 1/8 – 31/12 Sunngiffimmi piniarneq 2023: 1/8 – 31/10
Akia-Maniitsoq (Piniarfik 3)	Killeqanngillat + 200	200 (200)	Tammajuitsussanik piniarneq: 1/8-31/10 aamma 15/2-10/4 Inuussutissarsiutigalugu piniarneq 2023: 1/8 – 31/12 Sunngiffimmi piniarneq 2023: 1/8 – 31/10
Ameralik (Piniarfik 4)	Killeqanngillat + 200	200 (200)	Tammajuitsussanik piniarneq: 1/8-31/10 aamma 15/2-10/4 Inuussutissarsiutigalugu piniarneq 2023: 1/8 – 31/12 Sunngiffimmi piniarneq 2023: 1/8 – 31/10
Qeqertarsuatsiat (Piniarfik 5)	Killeqanngillat + 200	200 (200)	Tammajuitsussanik piniarneq: 1/8-31/10 aamma 15/2-10/4 Inuussutissarsiutigalugu piniarneq 2023: 1/8 – 15/10 Sunngiffimmi piniarneq 2023: 1/8 – 30/9
Qassit (Piniarfik 6)	Killeqanngillat + 200	200 (200)	Tammajuitsussanik piniarneq: 1/8-31/10 aamma 15/2-10/4 Inuussutissarsiutigalugu piniarneq 2023: 1/8 – 15/10 Sunngiffimmi piniarneq 2023: 1/8 – 30/9
Neria (Piniarfik 7)	Killeqanngillat + 75	75 (75)	Tammajuitsussanik piniarneq: 1/8-31/10 aamma 15/2-10/4 Inuussutissarsiutigalugu piniarneq 2023: 1/8 – 15/10 Sunngiffimmi piniarneq 2023: 1/8 – 30/9
Piniarfik 11			Tammajuitsussanik piniarneq: 1/8 – 31/10 Inuussutissarsiutigalugu piniarneq 2023: 1/8 – 15/10 Sunngiffimmi piniarneq 2023: 1/8 – 30/9
Ivittuut	Killeqanngillat + 75	75 (75)	Tammajuitsussanik piniarneq: 1/8 – 31/10 Inuussutissarsiutigalugu piniarneq 2023: 1/8 – 15/10 Sunngiffimmi piniarneq 2023: 1/8 – 30/9
Kangerlussuup eqqaani akiliuteqarluni piniarfissat 1. januaarimiit 2019-imuit koncession-qarfittut atuutilerput. Koncessioneqarfiusussanut pisassiissutit tammajuitsussanik pisassiissutiniit tamakkiiuniit ilanngaatigineqassapput. Inuussutissarsiutigalugu sunngiffimmilu piniarnissamut piffissaliussat 2024-2027-imut suli aalajangersarneqanngillat 2023/24-imullu piffisanut piniarfissat aalajangersarneqartuniit nikingassuteqarsinnaallutik.			

Ilanngussaq 2: Tammajuitsussanik umimmanniarnissamut pisassiissutit piffissaliussallu - aasaanerani 2024 - ukiuunerani 2027.

(ungalusami kisitsisit ukiumut pisassiiiviusumut aasaanerani 2023–ukiuunerani 2024 atuupput).

Qaanaami aqutsiveqarfik (Inglefield Land aamma Qooqut)			
Umimmaqarfik	Pisassiissutit tamakkerlugit 2023/24	Tammajuitsussanik 2024-2027-mut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Inglefield Land	60 + 10	10 (10)	Tammajuitsussanik piniarneq: 1/8 - 31/10 aamma 15/2 - 10/4 Inuussutissarsiutigalugu aamma sunngiffimi piniarneq 2023/24: 1/8 – 15/4
Kap Atholl	60 + 5	5 (5)	Tammajuitsussanik piniarneq: 1/8 - 31/10 aamma 15/2 - 10/4 Inuussutissarsiutigalugu aamma sunngiffimi piniarneq 2023/24: 1/8 – 15/4
Inuussutissarsiutigalugu sunngiffimmilu piniarnissamut piffissaliussat 2024-2027-imut suli aalajangersarneqanngillat 2023/24-mullu piniarfissatut piffissaliussaniit aalajangersarneqartuniit nikingassuteqarsinnaallutik.			

Sigguk			
Umimmaqarfik	Pisassiissutit tamakkerlugit 2023/24	Tammajuitsussanik 2024-2027-imut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Sigguk	150 + 12	12 (12)	Tammajuitsussanik piniarneq: 1/8 - 31/10 aamma 15/2 - 10/4 Inuussutissarsiutigalugu aamma sunngiffimi piniarneq 2023: 1/8 – 15/10
Inuussutissarsiutigalugu sunngiffimmilu piniarnissamut piffissaliussat 2024-2027-imut suli aalajangersarneqanngillat 2023/24-mullu piniarfissatut piffissaliussaniit aalajangersarneqartuniit nikingassuteqarsinnaallutik.			

Naternaq			
Umimmaqarfik	Pisassiissutit tamakkerlugit 2023/24	Tammajuitsussanik 2024-2027-imut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Naternaq	120 + 15	15 (15)	Tammajuitsussanik piniarneq: 1/8 - 31/10 aamma 15/2 - 10/4 Inuussutissarsiutigalugu aamma sunngiffimi piniarneq 2023: 1/8 – 15/10 Ukiuunerani 2024 pisarinngitsut: 12/2-10/3
Inuussutissarsiutigalugu sunngiffimmilu piniarnissamut piffissaliussat 2024-2027-mut suli aalajangersarneqanngillat 2023/24-mullu piniarfissatut piffissaliussaniit aalajangersarneqartuniit nikingassuteqarsinnaallutik.			

Sisimiut			
Umimmaqarfik	Pisassiissutit tamakkerlugit 2023/24	Tammajuitsussanik 2024-2027-imut pisassiissutit	Tammajuitsussanik piniarnissamut piffissaliussat Aasaanerani 2024 – Ukiuunerani 2027
Sisimiut Sisimiut Piniarfik 5	400 + 150	150 (150)	Tammajuitsussanik piniarneq: 1/8 - 31/10 aamma 1/3 - 10/4 Inuussutissarsiutigalugu aamma sunngiffimi piniarneq 2023/24: 1/8 – 15/10
Kangerlussuup eqqaani akiliuteqarluni piniarfissat 1. januaarimiit 2019-imiit koncession-qarfittut atuutilerput. Koncessioneqarfiusussanut pisassiissutit tammajuitsussatut pisassiissutiniit tamakkiisunit ilanganatigineqassapput. Inuussutissarsiutigalugu sunngiffimmilu piniarnissamut piffissaliussat 2024-2027-mut suli aalajangersarneqanngillat 2023/24-mullu piffisanut piniarfissatut aalajangersarneqartuniit nikingassuteqarsinnaallutik.			

Maniitsoq/Kangerlussuaq

Umimmaqarfik	Piniarnissamut pisassiissutit 2023/24	Tammajuitsusanik 2024-2027-mut pisassiissutit	Tammajuitsusanik piniarnissamut piffissaliussat Aasaanerani 2024 – Ukiuunerani 2027
Piniarfik 1	Killeqanngillat Ukiuunera: 50		Tammajuitsusanik piniarneq: 1/8 - 31/10 aamma 1/3 - 10/4 Inuussutissarsiutigalugu piniarneq 2023/24: 1/8 – 15/10 aamma 15/2 – 3/3 Sunngiffimmi piniarneq 2023/24: 1/8– 15/10 aamma 15/2 – 3/3
Piniarfik 2	Killeqanngillat Ukiuunera: 0	Piniarfinni pisassiissutit tamakkerlugit: 500-t (500) 2024/25-mut, 600-t 2025/26-mut kiisalu 600-t 2026/27-mut	Tammajuitsusanik piniarneq: 1/8 - 31/10 aamma 1/3 - 10/4 Inuussutissarsiutigalugu piniarneq 2023/24: 1/8 – 15/10 Sunngiffimmi piniarneq 2023: 1/8 – 15/10.
Piniarfik 3	Killeqanngillat Ukiuunera: 200		Tammajuitsusanik piniarneq: 1/8 - 31/10 aamma 1/3 - 10/4 Inuussutissarsiutigalugu piniarneq 2023/24: 1/8 – 15/10 aamma 15/2 – 3/3 Sunngiffimmi piniarneq 2023/24: 1/8– 15/10 aamma 15/2 – 3/3
Piniarfik 4	Killeqanngillat Ukiuunera: 0		Tammajuitsusanik piniarneq: 1/8 - 31/10 aamma 1/3 - 10/4 Inuussutissarsiutigalugu piniarneq 2023/24: 1/8 – 15/10 Sunngiffimmi piniarneq 2023: 1/8 – 15/10.
Kangerlussuup eqqaani akiliuteqarluni piniarfiiit 1. januaarimiit 2019-imuit koncession-qarfittut atutilerput. Koncessioneqarfiusussanut pisassiissutit tammajuitsussatut pisassiissutiniit tamakkiisuniit ilanggaatigineqassapput. Inuussutissarsiutigalugu sunngiffimmi piniarnissamut piffissaliussat 2024-2027-mut suli aalajangersarneqanngillat 2023/24-mullu piffisanut piniarfissatut aalajangersarneqartuunit nikingassuteqarsinnaallutik.			

Ivittuut


Umimmaqarfik	Pisassiissutit tamakkerlugit 2023/24	Tammajuitsusanik 2024-2027-mut pisassiissutit	Tammajuitsusanik piniarnissamut piffissaliussat Aasaanerani 2024 – Ukiuunerani 2027
Ivittuut	50 + 15	2024: 30 (15) 2025: 30 (30) 2026: 20 (30)	Tammajuitsusanik piniarneq: 1/8 - 25/8 Inuussutissarsiutigalugu sunngiffimmi piniarneq 2023: 15/10 – 15/12
Inuussutissarsiutigalugu sunngiffimmi piniarnissamut piffissaliussat 2024-2027-mut suli aalajangersarneqanngillat 2023/24-mullu piffisanut piniarfissatut aalajangersarneqartuunit nikingassuteqarsinnaallutik.			

Nanortalik


Umimmaqarfik	Pisassiissutit tamakkerlugit 2023/24	Tammajuitsusanik 2024-2027-mut pisassiissutit	Tammajuitsusanik piniarnissamut piffissaliussat Aasaanerani 2024 – Ukiuunerani 2027
Nanortalik	0	2024: 3 (0) 2025: 4 (3) 2026: 5 (4)	Tammajuitsusanik piniarneq: 1/8 - 25/8 Inuussutissarsiutigalugu sunngiffimmi piniarneq 2023-mi soqanngilaq
Inuussutissarsiutigalugu sunngiffimmi piniarnissamut piffissaliussat 2024-2027-mut suli aalajangersarneqanngillat 2023/24-mullu piffisanut piniarfissatut aalajangersarneqartuunit nikingassuteqarsinnaallutik.			

Ittoqqortoormiit			
Umimmaqarfik	Pisassiissutit tamakkerlugit 2023/24	Tammajuitsusanik 2024-2027-mut pisassiissutit	Tammajuitsusanik piniarnissamut piffissaliussat Aasaanerani 2024 – Ukiuunerani 2027
Scoresbysund Fjord, Jameson aamma Liverpool Land	175 + 30	30 (30)	Tammajuitsusanik piniarneq: 1/8 - 31/10 aamma 15/2 - 10/4 Inuussutissarsiutigalugu sunngiffimmilu piniarneq 2020/21: 1/8 – 15/10, 10/11 – 10/12 aamma 1/3 – 31/3
Inuussutissarsiutigalugu sunngiffimmilu piniarnissamut piffissaliussat 2024-2027-mut suli aalajangersarneqanngillat 2023/24-mullu piffissanut piniarfissatut aalajangersarneqartuniit nikingassuteqarsinnaallutik.			

Ilanngussaq 3: Kalaallit Nunaata Kitaani tuttunniarnissamut Piniarfik 1-11



Ilanngussaq 4: Kalaallit Nunaanni umimmaqarfiiit.



Ilanngussaq 5: Aqutsiveqarfik Maniitsumi umimmannut Piniarfik 1, 2, 3 aamma 4.

